

PERTANDINGAN STEM *STORY TELLING*

DISEDIAKAN OLEH: WAN ZARINA BT WAN KAMARUDIN & SHARAF AHMAD

Kelab Mahasiswa MySTEM Ambassador Universiti Teknologi MARA Cawangan Pulau Pinang (UiTM CPP) , di bawah bimbingan Penasihat Kelab, ChM Marina Mokhtar dan Puan Suhaiza Hasan, Pensyarah Kanan Jabatan Sains Gunaan telah mencetuskan idea penganjuran pertandingan Video Pendek STEM *Story Telling*. Penganjuran pertandingan secara kerjasama di antara Bahagian Penyelidikan Jaringan Industri, Masyarakat & Alumni (PJIM&A) UiTM CPP dan Kelab Mahasiswa MySTEM Ambassador UiTM CPP ini dimantapkan lagi dengan sokongan kerjasama oleh Jabatan Pendidikan Negeri Pulau Pinang (JPN). Prof Madya Dr Nor Aziyah Bakhari Timbalan Rektor PJIM&A yang juga merupakan Penyelaras STEM peringkat UiTM telah menjadi penggerak utama dalam melancarkan kelangsungan pertandingan ini dari awal hingga ke akhir.

Pertandingan yang dibahagikan kepada tiga kategori ini dibuka kepada pelajar-pelajar sekolah rendah, menengah dan institut pengajian tinggi di seluruh negeri Pulau Pinang. Penyertaan telah dibuka bermula daripada 15 Julai 2020 sehingga 15 Ogos 2020. Sambutan yang menggalakan telah diterima apabila seramai 103 orang pelajar mengambil inisiatif menyertai pertandingan yang dijalankan secara atas talian ini. Sokongan 30 orang guru dan pensyarah yang menjadi mentor kepada para pelajar memantapkan lagi hasil yang dipersembahkan menerusi video yang dihantar untuk dipertandingkan.

Sesi penjurian secara tertutup telah diadakan pada 27 Ogos. Seramai 12 orang pensyarah, 10 daripadanya daripada Jabatan Sains Gunaan bertindak sebagai juri bagi memilih para pemenang. Antara kriteria yang dinilai ialah *Organization & Structure, Content & Knowledge, Visual Aid & Command of Language, Delivery & Speaking Skill* dan *Presentation Length*. Penolong Pengarah, Unit Pembangunan Bakat Murid, Encik Shamsir Jemain dari JPN turut hadir semasa sesi penjurian dijalankan. Beliau sempat berkongsi pengalaman sebagai orang yang bertanggungjawab dalam membangunkan potensi pelajar selain daripada bidang akademik.



Sebagai mengiktiraf kesungguhan 103 orang pelajar yang mengambil bahagian di dalam pertandingan ini, maka pada 28 September 2020 telah dilangsungkan Majlis Penghargaan dan Penyampaian Hadiah di UiTM CPP Kampus Permatang Pauh. Majlis yang dirasmikan oleh YBhg. Prof. Ts. Dr. Salmiah Kasolang, Rektor UiTM Cawangan Pulau Pinang turut dihadiri oleh Encik Mohd Hafifie Abdul Halim mewakili Pengarah Jabatan Pendidikan Negeri Pulau Pinang. Para jemputan terdiri lain terdiri daripada wakil pelajar yang hadir bersama seorang guru pengiring dari sekolah masing-masing. Jemputan terhad ini adalah sebagai langkah untuk menjaga keselamatan dan penjarakan fizikal semasa penularan jangkitan Covid19 ketika ini.

Walaupun wajah masing-masing dilitupi oleh penutup separuh muka, namun jelas terpancar kegembiraan daripada sinar mata para wakil pelajar yang melangkah ke pentas untuk menerima hadiah serta sijil penyertaan daripada YBhg. Prof. Ts. Dr. Salmiah Kasolang. Johan kategori Institut Pengajian Tinggi disandang oleh Kolej Vokasional Nibong Tebal. Peserta daripada Sekolah Menengah Jenis Kebangsaan Chung Ling dan Sekolah Kebangsaan Jelutong masing-masing dinobatkan sebagai Johan bagi kategori sekolah menengah dan rendah.

Maklumbalas positif telah diterima daripada para peserta dan guru sekolah yang mengambil bahagian dalam pertandingan ini. Mereka menyifatkan aktiviti seumpama ini membantu para pelajar untuk mengembang potensi diri, dapat berfikir secara lebih kreatif dan kritis. Ini juga peluang para pelajar untuk terus berinovasi walaupun dalam suasana pandemik yang dihadapi.

Diharapkan pertandingan seumpama ini dapat diteruskan pada masa hadapan dengan lebih banyak penyertaan daripada sekolah-sekolah serta institusi pengajian tinggi seluruh negeri Pulau Pinang. Ini secara tidak langsung dapat meningkatkan minat terhadap bidang sains, teknologi, kejuruteraan dan matematik di kalangan pelajar.

KEPUTUSAN RASMI PEMENANG	
1	KOLEJ VOKASIONAL NIBONG TEBAL SEKOLAH MENENGAH JENIS KEBANGSAAN CHUNG LING SEKOLAH KEBANGSAAN JELUTONG
2	KOLEJ VOKASIONAL KULIM SEKOLAH MENENGAH KEBANGSAAN DATUK ONN SEKOLAH KEBANGSAAN KAMPONG TO' BEDOR
3	KOLEJ VOKASIONAL KULIM SMK DATUK ONN SJK(C) LI HWA



